

廣陵醫籍叢刊



廣陵醫籍叢刊 (第一輯)

耿鑑庭 主編

江蘇廣陵古籍刻印社 出版  
揚州古籍書店 發行

一九八四年六月第一版  
書號：一四一〇〇·一〇  
定價：六十六元整



醫經小學卷之四

臚

病機第四

五運主病一首

集見原病式

諸風掉眩乃肝木痛痒瘡瘍心火屬濕腫滿本脾土  
經氣臏鬱痿肺金伏寒之收引腎水鄉五運主病樞  
要目

六氣爲病

六首同前

諸暴強直支痛裏急筋縮腰疾本足厥陰肝膽二經  
風木之氣

諸病喘嘔及吐酸暴注下迫轉筋難小便渾濁血溢  
泄瘤氣結核瘍疹斑癰疽吐下霍亂證臏鬱腫脹鼻



塞乾斃衄淋秘身發熱惡寒戰慄驚惑聞笑悲譫妄  
衄衄汚腹脹鼓之有聲和少陰君火手二經真心小  
腸氣之過

瘕與強直積飲滯霍亂中滿諸膈痞體重吐下附腫  
痿肉如泥之按不起太陰濕土二足經脾與從中胃  
之氣

諸熱瞖瘕筋惕惕悸動搖搦瘕瘕極暴瘖冒昧躁擾  
狂罵詈驚駭氣上逆附腫疼酸噎嘔瘡喉痺耳鳴聾  
欲閉嘔涌溢食下不能目昧不明瞶瘕翳或禁慄之  
如喪神暴病暴死暴注利少陽相火手二經心包絡  
與三焦氣

諸澁枯涸閉乾勁揭皺起陽明之燥金肺與大腸氣  
○上下水液出澄冷癥瘕癰疔堅痞病腹滿急痛利  
白清食已不飢吐利腥屈伸不便與厥逆厥逆禁固  
太陽經腎與膀胱爲寒水陰陽標本六氣裏

病機畧一首

集次見凡例

病本十形風寒燥濕暑火二分

春溫君火之氣夏熱相火之氣

內傷外傷內積外積六氣四因病機以明

內傷者不因氣動而病生於內謂留飲辟食飢飽

勞傷宿食霍亂悲恐喜怒想慕憂結之類外傷者

不因氣動而疾生於外謂瘴氣賊寇虫蛇蠱毒蜚

食鬼擊冲薄墜墮風寒暑濕斫射刺割捶扑之類  
內積者因氣動而內成謂積聚癥瘕瘤氣瘦起癩  
癩之類外積者因氣動而外成謂癰疽瘡瘍之類  
六氣爲見病之左

氣固形實形虛中風

風中府者面加五色有表證脉浮而惡風惡寒拘  
急不仁或中身之後或中身之前或中身之側皆  
易治中藏者唇吻不收舌不轉而失音鼻不聞香  
臭耳聾而眼昏大小便閉結皆難治經云風中府  
藏之俞爲偏風風氣循風府而上爲腦風入係頭  
爲目風飲酒中風爲漏風入房汗出中之爲首風

久風入中為腹風飡泄外在腠理為泄風之類  
干於榮衛則飢肉不仁手足戰掉

或為寒熱或為熱中證多或為寒中泣下或為厲風

皮膚瘍潰為癩病或為偏枯半身不遂左癱右瘓此率多痰或屬

血虛

血虛少則血不養筋筋不束骨

在左死血在右屬痰痰壅盛者口眼喎斜不能言語  
皆用吐法

治法以發散順氣祛痰清熱疎風吐下之類更以  
傷中感三證別辨為治乃妙

氣虛卒倒降痰益氣火熱而甚燥熱潮熱隨經治之

陰虛補虛

陰虛火動亦發熱

勿驟涼治

虛熱勿用涼寒藥爲治

輕可降散實則可瀉重者難療從治可施

此治熱之例如寒涼藥正治熱不退加熱劑從而治之

中寒感寒陰毒陰逆四肢厥冷腹痛唇青

經云痛有不可按者有按之無益者乃寒氣客經脈之中與正氣相搏則脈滿故痛而不可按寒氣客於俠脊之脈深按不能及故按之無益重中於



寒則痛久不能止寒氣客於腸胃之間膜原之下  
血不得散小絡急引故痛按之則血氣散故按之  
而痛止寒氣客於衝脈則脈不通氣因之故喘動  
應手寒氣客於背俞之脈則血脈泣泣則血虛虛  
則痛其俞注於心故相引心背而痛寒氣客於脈  
中則血泣脈急故脇肋與少腹相引而痛厥氣客  
於陰股及小腹血泣在下相引故腹痛引陰股寒  
氣客於小腸膜原之間絡血之中血泣不得注於  
大經氣稽留不得行故久而成積寒氣客於五藏  
厥逆上泄陰氣竭陽氣未入故卒然痛如死狀不  
知人氣復反則生寒氣客於腸胃厥逆上出故痛

而嘔寒氣客於小腸小腸不得成聚故後泄腹痛  
寒氣在少腹故痛而不得大小便病亦名曰疝中  
謂不因氣動偶然當而爲病感因形動虛而感入  
厥者陰陽氣不相順接便爲厥而手足逆冷是也  
退陰正陽急可溫中

治例見陰證要畧

傷寒所致痙病有二發熱惡寒頭頸項強腰脊反張  
口禁面赤瘳瘳如癰有汗柔痙無汗名剛春傷於風  
夏生殄泄

肝氣乘脾故泄利

夏傷於暑秋必痢瘡秋傷於濕冬生欬嗽冬傷於寒

春必溫病

冬時中寒而卽病者爲傷寒不卽病寒毒藏於肌  
膚至春變爲溫病至夏變爲暑病者熱極重於溫  
也亦先夏至日爲病溫後夏至日爲病暑溫暑之  
病皆本於傷寒也古人言感四時乖戾之氣通謂  
之傷寒

夏月身熱汗出惡寒身重脈微渴乃中暍

傷寒論中暍證者三無治法唯東垣清暑益氣之  
法至允宜擴充之

春時病溫溫疫溫毒溫瘧風溫脈證分異五種疾因  
溫疫病如傳染一家盡病是也溫毒或發斑致瘰

爲病至重有寒熱往來者爲溫瘧風溫多頭疼身熱常自汗之類

中濕風濕暑成濕溫三種可別濕熱可分

已上三證皆自表而之裏中濕或小便不利大便反快風濕則一身盡痛或熱濕溫則發熱頭痛如傷寒狀濕熱有自裏而之表發黃是也亦有寒濕病則肌膚不仁或痛爲痺也

寒痰脚氣食積勞煩要知四證乃似傷寒

此四形證類似傷寒診視宜分別

傷寒之病見中風脈中風之病得傷寒脈大小青龍治例必識調衛調榮斯須兩得

桂枝湯則發衛之邪麻黃湯者并榮衛而治之至  
於青龍湯治傷寒見風脈傷風見寒脈仲景云汗  
出惡風者服之則筋惕肉瞤故此證尤難用必須  
形證諦當方可行之

瘧本傷暑或痰有食老瘧瘧母

有風暑為病或食致或痰病久瘧有癖塊者為瘧  
母

久則羸疲

謂病如凌虐人之狀久不已令人瘦也

三日一發病經一歲間日發者受病半年一日一發  
新病所以連二日發住一日者氣血俱病或用截法

或隨經治

五藏六府瘧有圖在後治例中如但熱而不寒爲瘧瘧先熱而後寒爲溫瘧先寒而後熱爲寒瘧夏暑汗不出秋成風瘧連歲不已脇下有積是爲瘕瘕猶老瘕也

嗽多感寒當分六氣

經云風嗽者日夜無度汗出頭痛涎痰不利甚則喘熱嗽者急喘而嗽面赤潮熱手足寒火嗽者嗽喘上氣壅唾出血甚者七竅血溢燥嗽則氣壅不利百節內痛頭面汗出寒熱往來皮膚乾枯細瘡燥痒大便澀唾稠粘寒嗽者因形寒飲冷坐臥濕

地或胃冷風寒感之喘急而嗽濕嗽者脛重或腫  
或腹大或喘飲發于中喘欬有聲也亦有五藏之  
欬久不已乃移於六府又有氣嗽痰嗽勞嗽之類  
六本一標病機所秘風熱與寒隨證治之暑燥清金  
濕則利水有聲無痰有痰欬少痰可降蠲欬隨本治  
有聲無痰爲欬當治其本

喘有氣虛或因痰壅或因氣逆或倚息使

亦有熱甚而喘腹脹而喘欬甚而喘水乘肺而喘  
之類

痢本濕熱

或暑暘鬱於下焦或熱甚而不食俗云禁口痢

或因食致腹痛下血

或如豆汁魚腦濁水黃膿血沫之類

後重不利

裏急後重也

治可通散

或發散或下

勿便澁住濕熱未消成休息痢

因澁藥之過病少減則不能止成休息痢

瀉泄多濕熱食氣虛

此四證例

如本脾泄脹而嘔吐洞泄

不禁腸泄則疼瘕泄不便

利便

後重莖痛胃泄色黃

食飲不化太素分五

泄五等

澹泄驚泄殮濡滑泄



澹則便尚稠鷺如鴨糞澹也殮則米穀不化濡或糞若水滑則大便不禁

滲秘闌門泄實對證

闌門為分水之道在小腸下口也如已上證候分

治

疸乃濕熱齷麩相似

有食積亦發黃疸病也因濕熱相會出黃

消渴熱因

渴飲水多而小便多者名消渴若飲食多而不甚渴小便數而漸瘦者名消中渴而飲水不絕腿消瘦小便有脂液者名腎消其燥熱一也

